

**Hamer
PREIS
Jetzt zugreifen!**



HÄGEDÖRFER- SPÖIZ

Herausgeber: **ROOT-RAT**

AKTUELL

HOCHBRISANT

unabhängig

SPONTAN

INFORMATIV

NEUTRAL

ZIELSICHER



- AUSGABE

Hilarius – ändlech es esch sowit
sie esch weder do – ersehnti Fasnachtszit

Faschte nochet, so wömmen nomol uss glassen si
Denn ab Äschermettwoch, do esch der Spass verbi

Drom wömer jetzt us vollem Rohr
Verschprötze Scharm, Spass und Humor

Das esch better nötig uf dem Planet
Wöu d'Mönsche spenne, wie me gseht

Lueget noch Weschte, noch Amerika
Hei grad noh 15 Waugäng gha
Me het gemeint, s'ging nie verbi
Auso mini Wau esch schteller gsi

Lueget noch Oschte de Vladimir
Bluetrönschtig wie ne Vampir
Met nacktem Ranze uf sim Ross
Meint är, är seg dr grossi Boss

Doch wär wott üse Wäg beschtemme
Wäre wott üsi Zuekonft tremme
Das seit scho s'heiligscht Buech
Dä söu e Diener si und ke Ruech

Söu ned handle wie ne Thoor
Sondern met Bedacht ond met Humor
Humor verschpötze, Wetze mache
Domet brengt me d'Lüüt zum lache

Es Bischböu

Kanibale, hei vergässe
E Cloon schmöckt komisch, duet me ne frässe
(schwierig)

Wenn e Koboy de Wäg zum Coifför wäut
Ond ehm nochhär der Pony fäut

Seit e Schöfin zur andere, chonsch i Disco met chorzem Rock
Doch die wott grad ned – si hett kei Bock
(Ein weibliches Schaf wird übrigens Au, Aue, Ewe oder Zibbe genannt)



Humor heisst latinisch Füchtigkeit, schprech Körpersäft
Ond ar Fasnacht macht meh mit Säft es Gschäft
Es bedeutet bi Messgescheck ond Problem e Glasseeheit
Ou wenn's mängsich Strub zugeiht

Es glengt ned emmer, ämu ned mehr im Heller
Mangisch wird mi Pous haut schneller
Zom Bischpöu dr Amme ufbegehrt
Wenn d'Fahne ir Hauue esch verkehrt

Oder die auti Hütte am Schlochesrand
Wär das so lot, het kei Verschtand
Oder im Gnöd, die Hüenerfarm
Die Viecher döt se wörklech arm

Der gseht, Humor das faut mer mangisch schwär
Drom ir Fansachtszit e andre Chef mues här

E säuber cha ned usläse
Wär höt bechont mi schöni Bäse
Hött werdi aus Amme usgebote
Macht nüt, hauptsach sesch e Roote

Drom beni do, der set derbi
Mer fendes hött use, s'esch Hilari
Mer setze aui im gliche Boot
Ond wöi wösse, war esch dr Root

Dromm vierevierzg, chomm hou dr Bäse
Due dini Proklomation verläse
Dä Obe, dä esch för De
De ganz Dorfplatz wott di gseh

Mer wöi fiire, in Saus und Braus
Drum rüefe mer us vollem Haus

Roote, Roote
Dr Tüüfel het di gschroote



PROKLAMATION

Sali zäme

E hoffe, es goht üch aune guet
Die schönschti Ziit esch do, wie guet das duet

Jetzt start e mit üch is Fasnachtsjohr
Und zwar mitem Motto „mer sprütze Humor“

Zwöi truurigi Johr hei mer jetzt müesse erliide
Und zwar nur wägemene Virus somene perfide

Doch jetzt esch weder Ziit zum richtig Durestarte
E ma of au die Fasnachtsaläss fasch nüm warte

Ob Seniorefasnacht, Schnitzubänk und no vöu meh
E hoffe fescht, dass mer üs überall döi gseh

Es goht wörkli nöm lang, mer si scho churz dervor
Drum sägis no einisch „Mer sprütze Humor“

E cha und wott ar Fasnacht ned elei nur glänze
Drum hani no zwe wo s'Root-Team döi ergänze

Dr Renato und dr Röfe si mini zwe Sekundante
Chöit sicher si, die stöi ned ume wie Hydrante

Zäme wei mer so guet wies goht probiere
Möglichschdt vöu Lüt für d'Fasnacht z'animiere

Nur so gits dr Hilari i 50 Johr no dohende
Aber für das müesse Klicke weder Fasnächtler fende

Für das wird e me iisetzte und das esch wohr
Drum sägis erscht rächt „mer sprütze Humor“

Aber jetzt wott e nüme länger lamentiere
Und freue mi scho hüt, mit üch dur d'Fasnacht z'marschiere

Mit üch die Fasnacht dörfe dureführe esch dr Hammer
Das säge e, dr 44igscht Root, mit Name Flammer

Bevor e jetzt aber definitiv cha s'Zepter überneh
Muess mer dr Gmeindspräsi no mi Bäse gä

Jetzt säge mer's aui no einisch im Chor
„mer sprütze Humor“

E schöni Fasnacht

Root XLIV





D'Goldsöi sind schlawi Viecher
 Füre Gnuss heisi de richtig Riecher
 verbinde dorom d'Singprob mitemne Brunch
 Nur tscheggt das nit jede Mönsh

So duet ei Goldsau uf Olte fahre
 Die duet aber erst vor de gschlossne Türe erfahre
 Dass de Brunch eigentli bi ihm duet stattfinde
 De Thomi Däppen duet de Soustall nit finde



Wo de Koffer ipacke wettsch
 Merksch, dass de Pass no mitnääh settsch
 Blöd dueschne niene bi dir finde
 No blöder sitzisch scho in Pole hinde.
 De Flug zrugg id Schwiz chasch so vergässe
 Statt im Flugl bisch drum nomol im Zug gsässe
 Bluet gschwitzt het är drum über jede Zoll
 Timo Hermann sin Kopf isch läär, sin Koffer voll



Im Facebook duet viel scheiss drin stoh
 Chasch ou über frömdi Lüt din Ärger useloh
 Eini duet dort drin de Vereinstrainer Diebstahl beklage
 Öb de däm Dieb nit duet sis Gwüsse plage

Derbi isch dä Dieb im gliiche Verein derbi
 Und bringt dä Trainer sinere Tochter verbi
 Är Het d'Täsche mitem Trainer ufem Briefkaste entdeckt
 Dass die für sini Nachbarin gsi wär, het är nit tscheggt
 Röno Ritter beklaut Alysha



Bi de Gartearbeit settsch Handschue träge
 Nit nur für d'Sicherheit sind die en Säge
 So chöntsch dich ou vor Dir sälber schütze
 Denn ou gäge Füechtigkeit döisi bitz schütze
 Är hetse aber zum pisse abzoge
 Nächstär nömme sine Händ überzoge
 Kurz später het är sich übere nassi Busch gwunderet
 De Bruno Zaugg het scho vergässe, dass er über dä het pulleret



!! Fritz Vögeli goes Digital !!

Sit churzem escher Pensioniert und hett nun sis Handy aktiviert.
 So vöu cha doch die moderni Chistä, s esch net we Bache, dass gett Gschichtä.
 Im Höckeler-Chat do duet er zum Geburri gratulliere,
 metere Sprochmemo aber ohni z studiere.

7 Sekunde duet er schwiegä, liebe Fritz, blieb doch bim guete alte Schriebe 😊





Gspannt losisch zue und bisch ade GV derbi
 Nur luegsch denn ziemlich blöd dri
 Wenn du hättsch sölle is Protokoll schriebe
 Bi welne Entscheidige hend öbis zue
 All sini Vorstandskollege hend öbis zue
 Nur eine meint är het sini Rueh.
 Plötzlich ischer nömm so gmüetlich ufem Stuehl gsässe
 De Dani Hermann hets Protokoll schriebe voll vergässe



Am Vereinalass het sich eine zum chrampfe gmäldet
 Nur hets denn ganz imne ander Verein gändet
 Kurz bevor är het wöue an Alass go
 Het är es Telefon vom Militär becho
 So isch är vom einte Verein zum andere grennt
 Wöu de Phippi Marti sin WK-Isatz het verpennt



Feini Kueche, Feini Kueche
 Luthals sind sie am Buffet am Kunde sueche
 Ihres Agebot het aber nit nur glustigs derbi
 En Lauchkueche mit Späck söll das einte si.
 Kei Kund het sich das wölle adue
 So ligt dä Kueche no dörte wo si hend wölle zuedue
 D'Cisa Nitter und Lorin Riederberger chasch nit bruche
 Wöu es wär denn gsi en Rhabarberkueche



Bi Kollege duetsi es grosses Auto bsorge
 Denn de grossi Färneseh macht ihre Sorge
 Mitem nöie Abo hets dä denn derzue gäh
 I ihrem Auto cha sie dä aber unmöglich mitnäh..
 Mit ihrne Helfer duetsi zum Gschäft fahre
 Drü Helfer luege denn ziemlich blöd usem Chaare
 Chunt sie nur mitemne Schachteli derhär
 D'Sime Schänker het verpasst dass es nur d'TV-Box gsi wär



Sie hend doch eifach wölle d'Stadt besichtige
 So en Städtetrip wär doch für sie s'richtige.
 Ganzi zwöi Stund ischer scho am sueche
 Kei Parkplatz hets do, ischer am flueche.
 Är gits uf und fahrt eifach wieder en ganzi Stund hei
 De Martin Lüthi het Närve nur wie Brei.





SCHNITZELBÄNKE & GUGGEMUSIG

Donnerstag, 16. Februar 2023

Zeit / Ort	Insieme	Homberg	Bistro	Schlucht	Sportsbar	Hirschli
19:00 Uhr	Hägageri-Gugge	Root XLIV-Höckeler	Schlumpf-Zunft	Goldsöl	-	Sengbuebe
19:40 Uhr	Sengbuebe	-	Root XLIV-Höckeler	Schlumpf-Zunft	Goldsöl	-
20:20 Uhr	-	Hägageri-Gugge	-	Root XLIV-Höckeler	Schlumpf-Zunft	Goldsöl
21:00 Uhr	Goldsöl	Sengbuebe	Hägageri-Gugge	-	Root XLIV-Höckeler	Schlumpf-Zunft
21:40 Uhr	Schlumpf-Zunft	-	Sengbuebe	Hägageri-Gugge	-	Root XLIV-Höckeler
22:20 Uhr	Root XLIV-Höckeler	Goldsöl	-	Sengbuebe	Hägageri-Gugge	-
23:00 Uhr	-	Schlumpf-Zunft	Goldsöl	-	Sengbuebe	Hägageri-Gugge

Mer sprütze Humor

Im Jahr 2022 hei d'Schwiizer rekormässig gspändet
 Geld ii die ganz Welt a die Bedürftigi usegsändet.
 A eim Tag hetmese chönne gseh, die grosse Härze
 En Bueb in Unterhose duet Lüt im Gmüet schmärze



Rasch duetme dem arme Bueb en Hose schänke
 Me het amne Bedürftige gholfe, chöntme danke.
 Derbi isch är bim Fische ins Wasser gheit, so doof
 De Jonas Ritter lauft jetzt denn eifach ohni Hose a Bahnhof

Entspannig und Erholig sölls si
 Putze und Ufruume isch verbi.
 Eini geit aber trotzdem als ersst go Swiffer bsorge
 De Dräck im Bungalow macht ihre derewäg sorge.
 De ersti Ferietag dorom nur putzt und gruomet
 D'Nicole Saner het ihri Ferie scho vo Afang a versuomet



D'Online Bstüige sind so en Sach
 Ständig ligt öbis drin im Postfach.
 Ab de viele Päckli närvt sich scho langsam de Maa
 Derbi het s'Käthi närvt sich scho langsam de Maa
 Trotzdem chöme ständig Päckli a sie adressiert,
 Derbi wär en anderer het nämlich mehrfach vergässe
 D'Sime Schenker het nämlich mehrfach vergässe
 Das sie d'Käthi no itreit het als Empfängerdrässe.



En alti Garde geit uf Wanderschaft
 Chöme derbi fast in Gfangeschaft
 Denn sie kenne ihre Wäg nur ungefähr
 So chunt luuthals en Maa in grünen derhär
 Rund um sie sind wiiteri Männer versteckt
 Das het ou bi de alte Männer biz d'Angst gweckt
 Sie bringe en ganzi Militärüebig durenand
 De STV Männer fählt bim Wandere der Verstand





SCHNITZELBÄNKE & GUGGEMUSIG

Samstag, 18. Februar 2023

Zeit / Ort	Kath. Pfarrei-Zentrum	Homberg	Bistro	Schlucht	Sportsbar	Hirschli
19:00 Uhr	Hägageri-Gugge	Root XLIV-Höckeler	Schlumpf-Zunft	Goldsöi	-	Sengbuebe
19:40 Uhr	Sengbuebe	-	Root XLIV-Höckeler	Schlumpf-Zunft	Goldsöi	-
20:20 Uhr	-	Hägageri-Gugge	-	Root XLIV-Höckeler	Schlumpf-Zunft	Goldsöi
21:00 Uhr	Goldsöi	Sengbuebe	Hägageri-Gugge	-	Root XLIV-Höckeler	Schlumpf-Zunft
21:40 Uhr	Schlumpf-Zunft	-	Sengbuebe	Hägageri-Gugge	-	Root XLIV-Höckeler
22:20 Uhr	Root XLIV-Höckeler	Goldsöi	-	Sengbuebe	Hägageri-Gugge	-
23:00 Uhr	-	Schlumpf-Zunft	Goldsöi	-	Sengbuebe	Hägageri-Gugge

Mer sprütze Humor

E Uftrag het är inegno
 Vomene Höckeler esch dä cho
 Usgeführ wird die Arbeit jetzt
 Was au dr Chund bislang no schätzt
 Vom Chef wird dr Mitarbeiter no unterrichtet
 Damit dä die Arbeit au korrekt verrichtet
 Si Arbeitsort dä esch im Freie
 Drum muess dr Chef de glii mou Schreie
 Dr Mitarbeiter het nämli chli pressiert
 Drum esch dä Fähler au passiert
 E Carport muess är dusse sprütze
 Doch am Chund sis Auto ned gnuie schütze
 Rot gspränglet dr Chare - ehri Grinde au
 Malerei Flury das esch ned so schlaue

D'Atrio duet Zelt ufstöue
 Au z'Ute hei si das mou wöue
 Doch dort esch grad es Auto gsi
 Obwohl das dort ned dörfti si
 Drum esch dr Abschleppdiensch de cho
 Wo dä Chaare furt het gno
 Das choschtet und esch ned der Hit
 Das seit hüt au d'Larissa Schmidt



Ir Raiffiisearena wird dekoriert
 Und für d'Kantonsrotspräsidentefiir organisiert
 Doch ned jede chunnt dort druus
 Wöu öppis gseht de ganz schlimm uus
 Du chasch es ned erhahne
 Doch s'goht um d'Hägedörfer-Fahne
 Wie die dort hangt ar Bühnewand
 Das esch jo scho e chli e Schand
 Polit-Prominenz cha das au gseh
 Au jedem Hägedörfer duet das weh
 Warum und wäm cha das passiere
 Und warum duet me dä ned besser kontrolliere
 Dä kontrolliert süsch nämli au pingelig und genau
 Doch das Mou macht är sini Arbeit ned schlaue
 Är hänkt nämli d'Fahne verchehrt a d'Wand
 Huuswart Vlado, das esch jo auerhand

Nach 103 Titel esch ou mou gnuie,
 der Roger Federer suecht jetz d'Rueh.
 Si Tennisschläger stöut är i Schrank
 Vo de Fans gehts e riese Dank.



Götti wärde das esch so wunderschön,
do mues es Tannli häre und kei Föhn.
Eis organisiert ond es esch net chlii,
im Wärszügchestli e Sagi, er hett si derbii.
Zwöimol chörze und si landet ufem Waage,
jetzt muesme si no abinde schösch nimmts de no Schaade.
För das eignet sich am beste es Spannset het er gseit,
är bindets um d Deichsle het er gmeint..
Ir nächste Kurve do wärs den grisse....
Jo Cyrill Wyss dini Aabindvariante die esch verschisse

ab 05:00

Chesslete
Donnschtig 16.02.2023

Start bim Spitzacker
hüt chesslets durs Dorf
anschliessend Mehlsuppe in der
Raiffeisenarena. Offeriert durch
die Einwohnergemeinde
Hägendorf.



Clubhuus und WM do dörf Bier net fähle, me chönnt sogar meine me wörem si stäähle.
Spöter au no 1-2 Lutz inedäppelet, sini Töön wäre lüüter und er esch langsam kappelet.
I allne wo am nächste Morge möi uf dr Matte stoh het er usdröcklich gseit:

"sit de pünktlich do"!

Die alti Matchuhr het ere Dienst getan, äär wösssi wie demontiere und geht voran.
Am 10 am Morge siter ufem Fuessballplatz und weiblet wiene grosse Dorfspatz...
Jedoch wird ohni Chef dä Abbruch gstartet, lang gnueg heisi ir Chöuti gwartet.
Am 11i isch das Wärsch vollbracht und lueg etz do, es esch öbber verwacht..
Zur Sicherheit het är d Flex metgnoh, Willi Hänggi am vorobe hätsch gschieder eins weniger
gno, d Abbruchcrew wer gsi schambar froh.

Was du heute willst sein, dass lasse alleine Dein 😊
Egal ob Mändlein, Weiblein oder was drzösch,
mitlerwile hesch uf allne 3 WC's öbbis zum Abwösche !!
Au im Strosseverkehr macht de Gender oder ebe d Gender-/IN kei halt,
denn d Figüre dörft dröffe si jo quasi Steiziitalt...
Lut Funicello ghöre d Fachbegreffe sofort gändert,
denn erst denne het d Mönchheit i dr Schwiz so richtig GENDERT 😊



Ja ader Chöubi z`Hägendorf lot er`s lo krache und stöt mängs Bier i si eget Rache... Fröhlich juchzend chunt er hei und störschlet über die egete Bei...
Ganz gmüetlich ischs im Korridor, so blibt er Ligge bimmne Hoor..
Ufs sofa längts met ach und krach, doch d Huustöre z Bschlüssä das esch so e Sach..

Am Morge früh do wacht er uf und merkt bi goscht oh gruus oh gruus, d Huustör speeraunguwiit off, liebe Adi do gseht jetzt jede i dis eignig Buff..
Er stuhnt net schlächt und glaubt as guete, eigentlich verdient dr Fischer Adi för das e Ruete.

Mit sire Bröue luegt er am morge drii wiene Fisch, do lege tatsächlich no 10'000 Stutz vom FC Chöubibeitzli ufem Stubetisch 😊





Bim Banihouz Pierre do esch grad öppis los, was dä het gleichtet esch ned famos.
 Ar Chöubi bim Höckeler Bistro stöue, bim Törrahme het är eifach häufe hebe wöue.
 D Tör die jättets vom Dorzog grad zue, si Fenger chlömmts grad i drzue.

Am andere Morge, d Schmärze noni ganz verbi, do loufft är scho s nöchsch mou dri.
 S Bögeliise bim glette vom Dekomaterial, ehm duet gheie ufe Fuess es esch fatal.
 Zersch dr Fenger denn dr Fuess, zom Schloss aber no öppis meh passiere muess.
 Am FC Jubiläum metem Pflaster ufem Grend, denn är het wele e Schachtle hole im.
 Chäuer Gschwend.
 Es tuet eus Leid du arme Tropf, doch d Schachtle gheit em haut ou no ufe Chopf.

Am Obe chonnt är ändlech hei, doch dr Fischi cha ned ine deheim ou nei.
 Dr Schlössu steckt vo enne ond Töre die esch vo enne gschlossene.
 ond är muess warte ganz allei ir donkle Nacht verosse.
 D Rahel die ghört keis Lüüte ond keis Schälle, es nützt ou keis omebälle.
 plätzlech verwachet si schockiert, ond merkt was esch passiert.
 Dr Fischi cha nei ou nei.
 no 2 mou ou nei ou nei.



Dr EHC Oute im Finau duet stoh, är uf Chloote a Match duet goh.
 Nachedem Match do weiss är nömme wie ehm gscheht, är dr Goudi ufeinisch niene meh gseht.
 Am Schloss do fendet ne dr Goudi ganz verwirrt, am Floghafte onde dr Patrick Thommen wo sech het verirrt.

Root-Huus Betrieb
 16. – 21.02.2023
 Donnschtig bis Zischtig:
 immer ab 13:44 Uhr
 Usser am Samschtig,
 isch ersch nachem
 Umzug offe

Ändlich esch der grossi Tag cho
 Nadine und der René säge höt jo.
 Es paar Gugger, Schlümpf und Höckeler döi metem Bussli a reise
 me weiss jo ned obs höt no werd entgleise.
 Obwohl si bis död he noni vöu hei gsoffe
 eschs Busli nachem Apéro nümme gloffe.
 S'Liecht lo brönne hei die Deppe,
 do chöi si nor no d'Zunftkollege rette.
 Aschiebe muessme dä drömmig Huufe,
 wenigstens chöne si jetz am Fäscht no witer suufe.
 Schaltet nächst mou gschieder euches Hirni i,
 de längts au nomou fürnes Gläslü Wy.



Am Konzärt vo de Toten Hosen heisis gnosse, doch bim heigoh hei dr Fischi
 ond dr Vönsi dr Vogu abgschosse.
 Passiere duets nachem Konzert am Zürcher Hauptbahnhof, wo se sech astöue
 grad mega doof.
 Statt i Zog uf Oute istlige, Nämme se dä diräkt uf Bärn die beide Briide.




Dä Maa dä cha ned nome chille, nei dä Cheib esch ou guet im grille.
 Dr neu Grill Champion vo Hägedorf duet cho, Dr Päsü Meier drfür es schöns
 Priisgäud duet übercho.

Im Wenter Fuessbau, nöime wo esch Sommer
 Das macht doch ke Chommer
 D' Spieler müese jo ke Chappe alege
 Wo duet die schöne Frisure zuedecke
 Im Public Viewing früre nor mer, mer arme Söi
 As die vo der FIFA das eifach ned verstöi



2022

E Wiehnachtsboom met Lämpli
 Nor ganz schwachi säubverständli
 De Schtrom esch jo jetz rar ond schwach
 Drom nemmt me nor de erneuerbar vom Dach



2023

E riise Turbine im Cholersbach
 Hoffentlech macht die ke Krach
 Im Glanz erlüchte wird de e helle Boum
 E be secher das werde Troum



Lueg mou dä a, könsch du dä no
 Jo weni länger häne luege de scho
 Doch es esch mer bis höt ned glonge
 Die foti esch vöu z'verschwomme
 Zom Läse duesch am beschte abhocke
 Die Schrifbfähler houe di us de socke

75 Jahr das esch de ned nüt
 Gladni Gescht si gsi e ganze hufe
 Doch wo si ou au die andere Lüt
 Wo hätte selle cho fäschte ond sufe
 S'Fäscht esch gsi zwar toll
 Aber der Umsatz chli underem Soll
 Fuchhaltung BCH



Elterntaxi

I d'Schueu loufe esch geschter gsi
 Höt gets för dä Wäg es Taxi
 Es esch ned vo Oute ond ou ned vo Uber
 Mer fende das esch ned suber

Nach 3 Jahr eschs so wiit
 Ändlich weder Chilbi Ziit
 Jetzt gäbe mer weder Gas
 Es Bierli do und dört macht Spass
 De no chli of Bahne zum plagiere
 Und ofem Schüttbächer telefriere
 Oder hets ne öppe nur verwütscht
 Wöus ihm zum Sack esch usegrütscht
 Drum s'Handy ned esch am Ohr platziert
 sondern am Bode mit sim umegschosse
 Är wird gschüttlet und grob umegschosse
 Doch dr Fuess ofem Handy unverdrosse
 Hoffentlich stöue si die Bahn glii ab
 Sösch macht de wörkli öpper schlapp
 Doch bis zum Schluss är sich erfolgreich wehrt
 Bürki Michi was hesch druus glert



Backe, backe Kuchen
 Das will sie versuchen
 Von Dr. Oetker das Rezept
 Genau die Mengen braucht sie jetzt
 Zu klein jedoch die Backenform
 Verkompliziert das Backen doch enorm
 Die Küchenwaage nur geschätzt
 Sonst sind die Mengen nicht homogen
 Und trotzdem hat sie sich versteinert
 Der Teig war gar nicht versteinert
 Doch konnte sie das nicht verstehen
 Da erübrigt sich die Frage
 Das Liegt sicher an der Waage
 Ja, denn diese ist eingestellt auf Unzen
 Liebi Nicole Temperli, das ist zum Grunzen



D'Höckeler wei uf Zunftreis starte
 Und döl am Bahngleis z'Oute warte
 D'Organisatore hei im Spiiswage reserviert
 Und Gäld für Spiess und Trank blockiert
 Doch dr Zug nach St. Galle wott ned cho
 Aber nur, wöu si am fausche Gleis döl stoh
 Jetzt müesse d'Höckeler de Bummler näh
 Wos nur Dose und Snacks vom Automat duet gä
 Aber süsch esch aues super gsi der zwe Tschaupi
 Drum danke d'Höckeler am Studer Dome und am Laupi



Am Chlausbott döl sich d'Höckeler weder gseh
 Und wei zäme ab und zue chli öppis neh
 Das klappet bim Apéro, Ässe und Trinke
 Nur bim Dessert fohts dene chli afo stinke
 Coupe Dänemark hei es paar Höckeler wöue
 D'Serviertochter duets au grad ir Chuchi bstöue
 Si kontrolliert churz ob ir Gfrühri no esch Glace
 Und gseht döl inne die Behälter wo döl passe
 Aues esch vorbereitet und nur no Kugele müesse dri
 Doch plötzlich eine fluecht, das cha doch ned si
 Jetzt ghesch d'Serviertochter zu de Höckeler springe
 Und seit, dass si die Coupe Dänemark ned cha bringe
 Wöu su nur läri Glace-Boxe i d'Gfrühri hei gschmiesse
 Fühlt sich dr Aegerter Stefan chli verschisse

Är esch e Chrampfer vo A bis Z
 Esch meischtens au dr Letscht im Bett
 So eschs au bim Höckeler Chlausbott gsi
 Wo är esch bis zum Schluss derbi
 Är macht das aber nur zum Akquiriere
 Wöu är Lüt für i Männerchor wott animiere
 Obwohl är merkt, dass ne d'stimm langsam verlöt
 Singt är no chli Lumpeliedli, so guet wies goht
 Doch quittig am Jubilarekonzert esch ned perfekt
 Dört esch am vögeli Fritz sini stimm de ganz verreckt

4. BöögenAir Hägendorf
 am Määntig 20.02.2023
 16:00 – 17:30

Kinder-Fasnachtsolympiade
 rund ums Root-Huus

ab 18:00



4. BöögenAir Hägendorf
 rund ums Root-Huus Guggenmusik,
 Barbetrieb, Kostümprämierung,
 Verpflegungsstände

Kaffee am Morgen vertreibt Kummer und Sorgen.
 Dä Sproch wofft aber nüt nöze,
 Duet us der Maschen Kaffi met Entkalker sprötze!
 Good Morning Sunshine... eehh.... Roger Möri



Die haubi Gogge esch am Sueche.
 Si stoht do ond esch am flueche.
 Verlore het si ehri Schlössle,
 suecht sogar ir WC-Schössle.
 Bem Scherrer chrüche si ofem Bode.
 Niemer luegt chly wyter obe.
 Do, nach me Zytli dänkt si weder dra:
 «E ha jo no es Täschli gha!»
 Schlüsselmeisterin Nadine Heiniger



Stigsch i Zog ond masch chuum warte,
 gly duet z'Bärn d'Fasnacht starte,
 E Gogger bruucht es Koschtüm ond es Trööti.
 Dass der eis dervo fäut, merksch met Verspötig.
 Die andere si scho z'Bärn am Apperöle,
 ond du duesch d'Zyt met ere äxtra Rondi verlöle.
 Hägedorf, Olten, Hägedorf, Bärn...
 Simi Louper, mer hei di trotzdem gärn.



Liechtli mi oh Liechtli mi,
 Höt chasch ned so nes grosses si.
 Wenn d Sonne ned schynt düe mini Lämpli ned strahle.
 Wägem Stromspar-Wahn muess haut d'Romantik druuf zahle.
 der wunderschöne Dorfplatz-Tannenbaum

**Könnet der das Gsचेhtli scho,
 wo der Mige of Sierre esch cho?
 Wone im Hockeystadio
 öppis truurig het strouchle lo.
 S'het sech im Bode es Loch uuf to,
 är esch fasch nömm use cho.
 Zom Glöck esch's ned schlimmer cho
 ond är het weder dörfe of Oute go.**

Welcome Back Mige Stalder

Ü 70 esch uf Reise
Me Bsuecht es See rächt chli
Aus politisch-Prominanz
Schneider Chregu esch derbi



Was für 'nes Panorma
S'Wasser duet sis Gmüet erfreue
Wörd er net i See i stäche
Er wörd's no lang bereue

Är scännt, was er chönt mache
Do hett är's plötzlech gseh
Mit langem Hals, es edus Gschöpf
Es Schwanepedalo so wiss wie Schnee

Doch si Begleitig wot ke Schwan ritte
Do würd er ned metmache
Die beide dooi net schritte
Es het ouno e grüne Drache

Vorem Feischter fots a scheffe
Da kömmt de Chregu net
Ehn packts' Reiserfieber
Är nemmt dr Amme met



Chregu uf em See os
Gli scho brönne d'Bei
Muesch trotzdem nochli Strample
Sösch chonnt Chregu nie me hei

Am nöchschte Tag kein Schwan
Keis Boot ond ou kei Drache
S'es de sini Wäddli
Wo em Schmärze mache



Vita Parcours e gueti Sach
Do bliibt de Geischt im Körper gsond
So chame z'Egerchenge nöi träniere
E Kampfansag im Moskuschwond
E woderschöni Strecki heisi gmacht
Nor s'Beschte hend si wöue
Noch Poschte nün do chonnt scho öuf
z'Egerchenge chönnt's ned zöue



Se rönnt und rönnt
Fascht wie das es Gämsi macht
Höpft defig über Stock und Stei
Se ma seckle, s'esch e Pracht

Am Schlochtlouf esch si am Start
Topfit, sie het guet trainiert
Gschpannet wie nes Fäderli
Bis i d'Fengerschpetze motiviert

So düset sie los die Sportskanone
Weiher, Rossloch ond 'Schlucht deruf
Ohne jedi Schwächi
Donner, het di Dame Schnuuf

Es wonderet eim net am Schloss
Se z'überscht ufem Träppli stoht
Blueme, Kössli, Föteli
Als Siegerin i d'Gschecht i goht
Doch gli druf ab, und das esch blöd
Us Gold hend's doch no Söuber gmacht
Si händ no e defigeri gfonde
De macht's Sabine ²³, es wär jo glacht.



Im Gmeindrot wird verhandlet
Sie düent diskutiere
Jede weiss es am beschte
Wott si Meinig düre stiere

Doch es get au Gschäft
Do wird ke Chefu drus
Es wört ganz harmonisch
Gseht eigentlech ganz fredlech us

Am Schloss dr Döpe ufe
Der Amme wott jetzt zöue
Doch do fähle zwöi
Amme sim Bleck ned troue wöue

Nüt esch gsi met eistemig einig
Loupi und Schneider d'Stemm ned hei gäh
Doch warum das so seg
Löi si sech lieber ned vernäh

Mängisch, es macht der Schiin
Esch me tüuf im Härz degäge
Doch gwönne wet me de doch net
Drum duet me lieber gar nuf säge

D'Sonne schiint, dr Amme strahlt
Do schloht es Donnerwätter i
Denn wo Heller wott is Dorf
Esch au Stäubles Theo uf Wäge gsi

Ond der Theo, da weiss es gnau
Bäum vorem Denner sege Seich
Das chäm secher vor grünen o rot
För's Vouk seg das e böse Streich

Theo nemmt die lutti Schtemm
Het fasch nömm chönne höre
Das ghört haut zum Job dezue
Do muess e Amme döre

Glonge esch de nome
Doch das het Theo ned vernoh
Wär's nochem Heller gange
Hät me Parkplätz döt lo schtoh



E Pool im Garte es esch e Pracht.
Dr Rasmäiher-Roboter aber ganz komisch Sache macht.
Was d Natascha Wicki ned ma verliide,
wenn dr Roboter duet id Blache vom Pool drischnide.
Was d Pool Blache aber ou ned ma verliide,
esch wenn d Natascha paar Woche später
metem Rasetrimmer duet drischnide.

Id Landi goht är goh reklamiere,
Dr Akkulader vom Mäiher düeg ned funktioniere,
Doch Sigi gäu das ganze het haut sini Tücke,
Wenn haut dr Akku ned rächt duesch ine drücke.

Corona esch döre und d Energiepriise stiiige, aber kei Angst,
au das wärde mer besiige.

Aber öbbis wo mi etz sehr stresst esch net e Grippe
sondern scho fascht echli wie e Pest...

D Lüüt si bemole Bilder und Chläbe sich ad Stross,
d Polizei het z tue, es esch Famoos.

Zur Wält muesch sorg ha das wösse alli
und zwar schnäll sust werds e graui.

Aber die wo uf dr Stroos chlääbe

söue iz au hei go Büfflä und eher weniger am Liim umeschnöfflä 😊

Bim Konzärt vo de Bütetzer Buebe weisi dasmou d Helfahrt nachem Konzert
vermiide. Dorom weisi imene Hotel öbernachtig glinge.
Aber ou do duet ned aues richtig glinge.
Denn bim Check-in bim Hotel mache si verdotzdi Greng.
D Dame ar Reception seit es tuet kei Reservation für die beide gäh,
aber esch jo klar, denn sie hätte eifach s rechte Hotel näbedra sele näh.
Simon "Vönsi" von Arx & Adi "Fischi" Fischer us Downtown Hägedorf

Es Rock Konzert wettsi dr beste Kollegin schänke,
sie wird vor Fröid nöm klaar chönne Danke...
Voller stoutz 2 Tickets kauft, nur dr Bandname,
die sie liecht anderst Tauf...
"Red Hot Chili Peppers" und "Red Hot Chili Pipers" esch net s gliich,
se hends de gmerkt, sisch e andere Beriich.
Alysha Hofstetter und Joy Schenker was förne Kack,
jetzt loset der halt chili Dudelsack 🎺





Kindermaskenball
Sonntag 19.02.2023

14:00-17:00

In der Raiffeisenarena (Eintritt frei)
Organisiert durch die
Schlumpf Zunft Hägedorf

E Büchseöffner esch e gueti Sach
 Fasch i jedere Chuchi hets dä inne Fach
 Es weiss au jede wie mit däm muesch schaffe
 Doch eine macht sich wäg däm jetzt zum Affe
 Und zwar wöu sini Frau dr Alt het verschänkt
 Drumm hets am Herr im Huus de fasch usghänkt
 Är weiss ned wie das neue Ding jetzt funktioniert
 Und probiert, probiert doch s'ned kapiert
 Aber är bringts ned häre und chunnt au ned druuf
 Drum chunnt dr Junior und macht Büchs schnäu uf
 Perplex dr Papi und seit beschte Dank sim Gööfi
 Läck Vögeli Düse, besch du es Dööfi



Me Gäud wöi jetzt wieder die Chrankekasse
 Das esch jo nömm zom gschpasse
 Chomnt de wieder e nöie Virus
 Chömemer nömm zom Schlamassu us
 Wenn mer emmer me Tablette möse frässe wie lätz
 Get das jo aber emmerhin es paar Arbeitsplätz
Es grüsst IG Corona und Virusförderung



D Fifa esch im Fau ned korrupt
 Entscheide chöme nor mänglich abrupt
 Der erscht wo het chli Gäud
 Wähle si us dere Wäut
 Mer stune do mängisch haut
 Aber si heisse jo ou **Först In Först Aut**



Of Langenthal esch är gfare
 Dört parkiert är de si Chare
 Ir blaue Zone duets normau nüt choschte
 Drum stöut är Parkschiibe und goht go poschte
 Weder zugg hängt gliich ar Schiibe e Buess
 Dört stoht, dass är 40 Franke zahle muess
 Är luegt ume und gseht warum är d'Buess kassiert
 Sis Auto esch drum i dr bewirtschaftete Zone parkiert
 Und d'Linie si wiiss do längsch dr a Gring
 Farbe si haut am Stunder Marci «ned sis Ding»

Auf dem Dorfplatz hat es viele Bäume,
 die Bevölkerung fragt sich, ob man fräume.
 Doch bei jedem Anlass müssen die Bäume den Zelten weichen,
 die Fahrzeuge der Gemeinde, für deren Umzug aber nicht ausreiche.

Es Johrgängerträffe döi sie organisiere
 Und s'O.K. wott sich ned blamiere
 Es goht los und dä Tag esch do
 Zum Ässe döi si e d'Linde of Mühlethal go
 Dört hei si s'Mittagässe reserviert
 Und s'O.K. het sich doch blamiert
 Wo eine frogt was es hüt git z'Ässe
 Hei das aui vom O.K. Johrgang 47 vergässe



Immer Ärger mit Sex

Jeder der einen Hund hat, nennt ihn Bello oder Hasso.
Um einen nicht so alltäglichen Namen für meinen Hund zu haben, habe ich in damals "Sex" genannt – es war ein Fehler, wie sich später herausstellen sollte.....

Als ich auf die Gemeinde ging, um ich nach dem Umzug bei der Hundesteuer anzumelden, sagte ich dem Beamten, dass ich meine Steuern für Sex bezahlen wollte. Er meinte, dafür gäbe es noch keine Steuer. "Aber es ist für meinen Hund.", antwortete ich. Er meinte nur, Beischlaf mit Tieren sei zwar verboten, aber eine Steuer gäbe es trotzdem nicht. "Sie verstehen mich nicht." sagte ich. "Ich habe Sex, seit ich 9 Jahre alt bin." – Dann warf er mich raus.

Eines Abends ging ich mit Sex im Park spazieren, als er mir weglief. Ich habe meinen Hund die ganze Nacht gesucht. Da kam ein Polizeiwagen angefahren und die Polizisten fragten mich, was ich denn morgens um 4 Uhr im Park mache. Ich antwortete: "Ich suche Sex." – Meine Gerichtsverhandlung findet nächsten Donnerstag statt.

Als ich geheiratete habe und in die Flitterwochen gefahren bin, habe ich meinen Hund mitgenommen. Da ich nicht wollte, dass uns der Hund nachts stört, sagte ich dem Mann am Hotelpfand, dass ich ein extra Zimmer für Sex bräuchte. Er meinte nur, dass jedes Zimmer des Hotels für Sex wäre. "Sie verstehen mich nicht." versuchte ich zu erklären. "Sex hält mich die ganze Nacht wach!" Aber er meinte nur: "Mich auch."

Eines Tages ging ich mit Sex zu einer Hundeausstellung. Jemand fragte mich, was ich hier wollte. Ich sagte ihm, dass ich vorhatte, Sex in der Ausstellung zu haben. Darauf meinte er, ich sollte vielleicht meine eigenen Eintrittskarten drucken und verkaufen. "Sex fragte, ob die Ausstellung im Fernsehen übertragen würde, nannte er mich pervers."

Einmal war Sex krank und ich musste ihn beim Tierarzt lassen. Am nächsten Tag wollte ich ihn abholen. "Ich komme wegen meinem Hund." sagte ich. "Welcher ist es denn?" fragte mich die Frau beim Tierarzt, während sie in der Kartei blätterte. "Hasso oder Bello?", "Wie wärs mit Sex?" sagte ich und bekam eine runtergehauen.

Während der Scheidung stritten meine Frau und ich um das Sorgerecht für Sex. Ich sagte: "Euer Ehren, ich hatte Sex schon vor der Heirat." Der Richter antwortete: "Ich auch." "Aber meine Frau versucht mit Sex wegzunehmen!" beschwerte ich mich. Er meinte nur: "Das ist dass, was bei allen Scheidungen passiert."

So, ich wurde also ins Gefängnis geworfen. Heiratete, liess mich scheiden und hatte auch sonst mit dem Hund mehr Ärger als ich mir je hätte vorstellen können. Dies ist der Grund, warum ich letztendlich beim Psychiater gelandet bin. Er fragte mich: "Was ist denn ihr Problem?" Ich antwortete: "Sex hat mich und mein Leben verlassen. Es ist, als ob ich meinen besten Freund verloren hätte und ich fühle mich so alleine." Der Psychiater antwortete: "Schauen sie mein Herr. Sie und ich wissen, dass Sex nicht der beste Freund eines Mannes ist. Also....."

KAUFEN SIE SICH EINEN HUND!!!

Grosser Faschnachts - Umzug
Samschtig 18.02.2023

14:00

Start beim Schulhaus Oberdorf
anschliessend Faschnachtstreiben
auf dem Dorfplatz

Dr Charre mues är im Dorf loh stoh,
vermuetlech het är metem FC eis zväu gnoh,
Doch Dättwyler Luki mer wäre froh
Ufem Dorfplatz met dim Chlapf
uf die neu zeichnete Parkfäuder wördisch goh.



10:30-12:00

Fasnachtsgottesdienst
Sonntag 19.02.2023

In der katholischen Kirche in
Hägendorf
musikalische Begleitung, durch
die Hägageri Gugge Hägendorf
mit anschliessendem Apéro

Schtei oder ned Schtei, das esch e Frog
Dadrüber entscheidet öise Souverän
Eis Wort geht's andere
So heftig, dass me fasch im Schritt sech wähn

Me esch sech gar ned einig
Darf e Garte steinig si
Oder wär, wenn's denn so wär
Es mit Biodivers schon gli verbi

Am Ändi esch es klar
Dör Schotterhärte wott niemer stefle
Das seg gut för die Natur
Ond Vögelis chöi witer chefle

Metem Outo fahrt si richtig Ample,
Doch was duet die jetz do omehample,
Se hautet be grünen und nüt meh duet goh,
Gopferdali drbi muesch doch nor bi Rot blibe stoh.
Vönika Mogeli



E stoh am morge früh eleini ofem Pouseplatz.
Esch höt öppe Sonntag ond eg be do för d'Chatz?
Weder Schüeler no Lehrer treffi a.
Esch das Versteckti Kamera?
D'Schuelleitung duet mi of Afrog informiere:
D'Lehrer sige höt säuber am Stodiere.
Der Abwart Schulhaus Oberdoof

Wenn nachem poschte im Coop nömme weisch wo dis Outo stoht,
Esches besser dr Trachsu Hänsu ab sofort nomeno z fuess goh poschte goht.

Är esch worde ou scho chli e aute Ma
Bes er ändlech dä Poschte het chönne ha
Hoffe de Charles het ke grosse Verdruss
Cha jo länger im Amt si as d'Liz Truss



„Last but not least!“

D hägedörfer Fasnächtler, möchte sich
rächt härzlich bi de Sponsore für die
grosszügige Biträg für öisi
Fasnachtsziitig bedanke!
DANKE VÖU MOU!

PLANZER
planzer-lehrstellen.ch
„DIE BERUFUNG“

Nümme lang ond du gohst id Pension
hesch mänte Alass belieferet i der Region.
Ob Steak, Kotlette oder e Worscht,
derbi hesch meistens au öppis gäge Dorscht.
I der Raiffise Arena hesch nomou dörfe grilliere
bim Useloufe hesch aber ned grad chöne brilliere.
Id Glasschibe ine besch gloffe
derbi hesch ned mou öppis gsoffe.
Dini Bröue esch zit denn zerstört,
ob gfleuchet hesch het niemer ghört.
As Metzger werdsch du eus fähle,
mer müesse abem März uf jedefall e neue wähle.
Die Wahl werd aber ganz schön schwär,
Friedli Hans mer danke der!

E nimme no e Campari Soda
Wit unter mer ligt's Wulchemeer
Der Ventilator suumet liislig
Es esch als gäbs kei Sperrzone
meh.

E gseh durs Fänschter 2
Kampfjets
S'Flugzüg wankt liecht i der Luft,
Durs Mikrofon seit der Pilot
„Rechts sehen Sie französisches
Sperrgebiet!“

E nimme no e Campari Soda
Wit unter mer ligt's Wulchemeer
Der Ventilator suumet liislig
Es esch als gäbs kei Sperrzone
meh.



Nach der Corona-Krise e chli go verschnuufe,
das dued au euse Bundesrot bruche,
E Flüger mierte und los goht dä Tripp,
Wo me darf flüge mou gäbe mer der aber none Tipp,
de wörde Franzose ond wo ned setsch velecht abchecke,
Met de Kampfjets hei si di müesse zum Lande bringe,
do dued au di Bundesrot-Titel ned vöu bringe,
Jo liebe Alain es esch e rächt Blamasch,
und dini Klimaziel si so au gli am Arsch.

globesailing gmbh
Dreyangel 4
4710 Balsthal

Postfach
8027 Zürich



Du findest uns an
folgenden Standorten:

Zürich
Zug
Solothurn
St. Moritz



Motorbootschule
Segelschule
Hochseeravigation
Werft

Telefon:
Mobile:
E-mail:
Homepage:

+41 44 480 28 40
+41 79 432 75 10
info@globesailing.ch
www.globesailing.ch



Mer sprötze Humor in Hägendorf

Root-Huus Betrieb vom 16. - 21. Februar

täglich ab 13:44 Uhr

(Samstag erst nach dem Umzug)

16. Februar

ab 05:00


hüt chesslet's durchs Dorf

Treffpunkt Spitzacker, anschl. Mehlsuppe in der Raiffeisenarena

ab 19:00

Schnitzelbänke & Guggenmusik

Rest. Teufelsschlucht, Sportsbar, Bistro Vögeli, Hirschli, Insieme (Seniorenzentrum), Rest. Homberg



17. Februar

ab 13:30

Seniorenfasnacht

in der Raiffeisenarena

ab 20:00

Beizenfasnacht mit Maskentreiben

in sämtlichen Fasnachts-Beizen



18. Februar

Beginn 14:00

Grosser Fasnachts-Umzug

anschliessend Fasnachtstreiben auf dem Dorfplatz

ab 19:00

Schnitzelbänke und Guggenmusik

Rest. Teufelsschlucht, Bistro Vögeli, Hirschli, Sportsbar, Rest. Homberg, FC Beizli (Pfarrheim)



19. Februar

10:30 - 12:00

Fasnachtsgottesdienst

in der katholischen Kirche mit Gugge und anschliessendem Apéro

14:00 - 17:00

Kindermaskenball

in der Raiffeisenarena (Gratis Eintritt)



20. Februar

16:00 - 17:30

Kinder-Fasnachtsolympiade

rund ums Root-Huus

ab 18:00

4. BöögenAir Hägendorf

rund ums Root-Huus Guggenmusik, Barbetrieb, Kostümpremierung, Verpflegungsstände

21. Februar

14:00 - 16:00

Kinderdisco auf dem Dorfplatz

Kinderschminken, Musik mit Spiel und Spass

um 19:14

Hotschifüür mit Uslompete

auf dem Dorfplatz und im Root-Huus





Impress 
media + print

**Ihr Experte für Ihre
Printerzeugnisse!**

Impress Spiegel AG · media + print · Bühlstasse 49 · 4622 Egerkingen · www.impress.ch